

آبونه شرائطی : هریر ایچون  
 سنه لکی (۴۰۰) آلتی آیلمی  
 (۲۲۵) ممالک اجنیه ایچون  
 سنه لکی (۴۵۰) ، آلتی آیلمی  
 (۲۵۰) غروشدور .

نسخه سی ۷,۵ غروشدور .  
 سنه لکی ۵۰ عددور .

اداره خانه : باب عالی جاده سنده  
 رشید افندی خواننده

اخطارات

آبونه بدلی پشیندر .

مسلكه موافق آثار مع المنونیه  
 قبول اولتور . درج ایدلمه یین  
 یازیلر اعاده اولتماز .

# الکشاف

آدره من تبدیلنده آیریجه  
 غروش کوندرملیدور .

مکتوبلرک امضاری واضح  
 و او قوناقلی اولسی و آبونه  
 صره نومروسی محتوی  
 بولونمسی لازمدر

ممالک اجنیه ایچون آبونه  
 اولانلرک آدرس لرینده  
 فرانسزجه یازلمسی رجا اولتور .

پاره کوندردلدیکی زمانه نه  
 دائر اولدی یی بیلدیلمسی  
 رجا اولتور

اتبعون اهدکم سیل الرشاد

صاحب و مدیر  
 اشرف ادیب

باش محرر  
 محمد حاکف

والله یهدی من یشاء الی صراط مستقیم

فحش و زنا و لذت بخش دوندوریجی سرعتی تزیینات ، امراض  
افرنجیہ نیک مستولی بر صورتیہ نسلی تخریب ایتھہندن متأسف اولمایان  
و بر عذاب حس ایتھہن هیچ بر فرد تصور اولہ مازہ دیسپانسر لک قیوداتی  
ایم اولان حقیقی دہا وضوح ایلہ کوستریور . صوک سہلردہ فحش  
کنج قیزلردہ یوزدہ اون ، ناموسلی قادینلر میانندہ یوزدہ آتی نسبتندہ  
تزیید ایتشدہ . قوانین جزائیہ مزک احکامی صراحتہ کوستریور کہ محافظہ  
ومدافہہ بی لایہ ضروری اولان اخلاق عمومیہ بی صیانہ کافی  
شدت و روحی احتوا ایتھہ مکدہ در .

کمال شکران و افتخار ایلہ یادی بر وظیفہ عد ایلدیکمز بیوک ملت  
ملت مجلسمزک رضانت اجتماعیہ بی ، ناموس و عفتک یوکسک قدرتی  
اعلا ایتھکہ اولان صوک تکلیف قانونیسی بو وضعیت قارشوسندہ  
عنعنات ملیہ نیک قدسی و محترم بر ہیجان ایمان ایلہ ناصل مدافہہ ایدلکہدہ  
اولدیفنی کوستریور . عدلیہ انجمنجہ حوالہ ایدیلن بو مهم تکلیفک  
اسباب موجبہ سندہ دہ نیلیور کہ : مملکت مزدہ قیصہ بر زماندہ وجودہ  
کلوہ سرعتیہ انکشاف ایدن اجتماعی انقلاب سوء اخلاقہ بیوک  
بر جریان ویرمشدہ . معیشت احتیاجی قارشوسندہ حیاتیہ ارککلر کی  
آلتق مجبوریتندہ بولان قادینلر وبالخاصہ کنج قیزلر حیات مجاہدہ سنک  
دہا ایلک صفحہ لرنده اکثریتلہ مدہش کردابلرہ یوارلانق تہلکہ سندہ  
بولونیورلر . وطنک اک بیوک یارہ لرندن بری اولان اخلاقی تردیانک  
بوندن دہا موجز بر تشریحی اولہ مازہ لایجہ نیک دیگر بر نقطہ سندہ : بناء علیہ  
ضرب ملتیرینک جزا قانونلری عیناً تطبیق ایتک دوغرو اولہ مازہ .  
مطالعہہ بی در میان ایدیلورہ ملتک حس و روحہ ، امرجہ و طبایعہ  
مخالف اولان و بشقہ ملتیر ایچون محلی احتیاجاتہ نظراً تدوین ایدیلن  
اجنبی قانونلرینک بلاتدقیق عیان رجہ و قبولی صورتیلہ گرفتار اولدیفمز  
اجتماعی و عمومی ضرورلرک ازالہ سی مقصدی استہداف ایتدیکی اکلانیلان  
بورہا کار فکرلرک انشالہ ملتیزک اساساتی داخلندہ ارتقایہ کسب  
لیاقت ایلدیکی مراتب مدنیہہ ایصالندہ رہبر اولہ جفہہ امین و مستریح  
بولونیورز .

موسی حکمت

## قومونیزم

علیرشہ موسی ہارالہ افندی نیک کتاب

روسیہ نیک الک مشہور علماسندن موسی ہارالہ افندی ، نشر ایتدیکی بر کتاب  
یوزندن بولشہ ویکلر طرفندن توفیق ایدیلدیکی کچن نسخہ مزدہ یازمشدق . بو کتابک  
بولشہ ویکلر علیہندہ شایان دقت معلومات و مطالعاتی احتوا ایدن مدخلیہ یک  
جزئی کلمہ لری شیوہ مزہ اویدورہ رق - سینا بروجہ آتی درج ایدیورز :  
اون طقوزنجی عصر اورتہ لرنده بدین قارل ماقس کی مادی

اقتصادیونک دورین آچیق کوزلرینہ کورون ، ضربہ اسکی مدنیت  
دنیا سنک مرکز لرنده طولاشوب دوران فتنہ خیاللرینک سیاسی ،  
اجتماعی ، اقتصادی سبیلری یکرمنجی عصر ایتدالرنده یریوزندہ بوتون  
قوتیلہ دوام ایدیور ؛ حق ، بیوک فتنہ لک علامتلی اولق اوزرہ  
نحسین ، یعنی (زخل) ایلہ (سریخ) ک کولک یوزندہ قرانلری دہ ۱۹۱۲ دہ  
واقع اولیور ؛ دیانت دنیا سیلہ مدنیت دنیا سنک صوک درجہ فسادلرینک  
ضروری بر نتیجہہ سی اولق اوزرہ دہشتلی حادثہ لک ، غایت بیوک  
انقلابلرک حادث اولہ جقلرندن خبر ویریورلردی . لکن کرک مدنیت  
دنیا سندہ ، کرک دیانت دنیا سندہ نہ ایشیدہ جک قولاق واردی ،  
نہدہ کورہ جک کوزا

حاقبت ، مدنیت دنیا سنک غایت بیوک فسادلرینک ، غایت فاحش  
عدالتلر لک لرینک ، انسانلرک اجتماعی کناہکارلرینک ، سیاست و ریاست  
احتراسلرینہ طویماز امللرینک ، بوتون دولتلرک قوت میدانلرنده کی  
مسابقہ لرینک ضروری و طبیعی بر نتیجہہ سی اولق اوزرہ ۱۹۱۴ دہ مدنیت  
محاربہہ سی ، بوتون دنیا محاربہہ سی باشلادی ؛ بیوک قیامتک اک بیوک  
دہشتلرینہ نمونہ اولق اوزرہ ، درت بش سنہ دوام ایتدکدن صوکرہ ،  
الوہیت ، دیانت ، جمعیت ، دولت ، انتظام دشمنی ، آناشیسٹ  
بدین قارل مارکسک جنی تدبیرلریلہ حاضر لائش ، انتقام غضبیہ ،  
بدینلک زہریلہ زہرلہ نمش بیوک عسکرک ، یعنی پرولہ تادیالرک بیوک  
قوتی ، قہرمان قوماندانلرینک جسورانہ حرکتلری سایہ سندہ مدہش  
اختلال (رہ وولوسیون) مدنیت دنیا سنک بوتون اساسلری ، بوتون اثرلری  
تخریب ایتک عزیمیلہ باشلادی . مدنیت مرکز لرنده بدین قارل مارکسک  
اوزاخی کورن کوزلری اوکندہ یتش ایکی سنہ مقدم طولاشوب طوران  
فتنہ خیاللری بوکون دہشت ظلمتلی ایچندہ ، مدنیت قبرستانی اوستندہ  
مہیب بر شکلدہ سوسیالیزم لباسیلہ ، قومونیزم صورتیلہ ظاہر اولدی ؛  
روسیہ دہ مدنیتک بوتون اثرلری ، بوتون اساسلری خراب ایتدی ؛  
آچلق ایلہ ، یوقلق ایلہ بوتون انسانلری بائمال ایلدی ؛ حریت شعاریلہ ،  
آزادلق دعواسیلہ بوتون دینلری ، بوتون تعلیملری انکار ایتدی .

روسیہ معارف و صنایع جہتیلہ مدنی دولتلرک ہپسندن کری ایسہدہ  
انقلاب حرکتلری ایچون ضروری اولان فتنہ قوتی روسیہ دہ قابت  
بیوک ایدی . اختلال رہبرلری ، رہ وولوسیون دیپلوماتلری فرصتی غنیمت  
بیلہ لک ہر طرفدن قوشوب روسیہ دہ طوپلانڈیلر . اک مساعد بر زمیندہ ،  
ساعتی تمام حلول ایتش بر زماندہ انقلاب حرکتلری باشلادی .

محاربہ لہ خراب اولوب قالان شہرلر ، قریہ لر اختلال و حشتیلہ  
تماماً یاغما ایدلدی ؛ عائلہ لر محو اولدی ؛ شہرلر ، قریہ لر بوم بوش  
قالدی . انتہر ناسیونال نامیلہ ملتیلرک ہر بری ، دینلری ، معبدلری ،  
محکمہ لری ، قانونلری تحقیر اولوندی . دیوان حربلرک ، فوق العادہ



یعنی اسکی فساد لړك، اولكې ظلم لړك طبیعی بر نتیجه سی، بر جزاسی اولق اوزره بوكونكې دیکتاتور لږق طوغدی . یوقسه اسکی حال لړك ، اسکی نظام لړك هر برینه دشمنك ، بدینك کوزیله باقان قارل مارقسك زعمی کې مدنیت علم لړك ، هنر لړك ، صنعت لړك ، ماکنه لړك ، دیانت عقیده لړك ، تربیه لړك ، تعلیم لړك ، اصول لړك ، قانون لړك بر نتیجه سی اولق اوزره دکل .

مزار لړمزدن قاله رق کوزلړمزی آچوب ده باقارسق کورورزكه تاریخك شو کونلری بوتون روسیه دنیاسی ایچون تمامیله بر قیامت اولدی :

آسمان میكفت ایندم بازمین - كریامت را ندیدستی بین !

عمل لړك دفتر لری عذاب زبان لړك الاریله انسان لړك هر برینه صول طرف لړدن ویریلدی . قاره محیفه لړك یوزنده قیزیل قانلره یازیلش اسکی کناهلړك عدالتی عقوبت لری قهر کولکړدن یربوزینه بوتون دهشتیله یاغور کې یاغدی . انسان لړك هر برینه ، بحرملرینه ده ، معصوم لرینه ده حساب میدانلرینه ، نوبت صف لرینه سوردی .

بویله بر قیامت صوك سنه لړك ضروری وطیبی بر نتیجه سی ایدی . سیاست دنیاسنده اك بویوك ، اك قوتلی دولتلر ایكی طرف ایدی : ۱ ) انگلیز ، فرانسر ، روسیه طرفی ، ۲ ) آلمانیا طرفی . غایت قوتلی اولان شوایكی طرف هر سیاستده ، خصوصیله شرق سیاستلرنده ، ایران وتورکیه مملکتلرینه استیلا واستیار حرصلرنده مسابقده ایدی . بونلر هر صورتله مجهز ایدی ، هر شی ده تمام ایدی . مدنیت دنیاسنده اقتصاد مسئله لری ده بویوك بحران طوفانلری ایچنده ایدی . قارل مارقس کې دولت دشمنلرینك ، بدین اقتصاد ظلم لړك غایت جاذب تعلیم لړك ، تلقین لړك اقتصاد بحرانلری برکتلی زمین اولدی . انسانیت دنیاسنده بویوك اختلاک قوتلی غالم لری ، مهلك عنصر لری تمامیله حاضر لمشدی .

قوم قدر چوق اولان اسلام ملت لری قوم کې متفرق وا کثریسی مدنی دولتلرک الله اسیر بر حالده ایدی .

انگلتره ، فرانسه ، روسیه کې بویوك دولتلرک شدتلی نفوذ لری ، قوتلی هجوم لری آلتنده عصر لرحه یاشایان ، محاربه لردن محاربه لره ، انقلابدن انقلاباره یو وار لانه یو وار لانه کلد کدن صوکره سوسیالیست لړك رهبر لړنه کوزل انقلابات نمونه لردن عبرتلی درس لړ ویرن ، شوکونکی عمومی محاربه ده روسیه انقلابنه یول آچان تورکیه دولتی صوك عصر لرده مملکتك اصلاحات داخله سنده عجز کوستردی . هم تورکیه دولته ، هم عموم اسلام مملکتلرینه مطلقا قائده ویرجك اولان اسلام سیاستلرنده غافل قالدی . بلکه خلافه ، تمامیله ضررینه حرکت ایتدی . شارع حکیم علیه الصلوة والسلام حضرت لړك خلیفه سی ،

قومیسونلرک ، ( چه قا ) لړك - انقلاب محکمه لړك - شمشک لری ایچنده ، یانار سرایلرک دومانلری آره سنده ، محکمه لړك ، فابریقه لړك خرابه لری اوستنده بکی دینك بکی ده قالوخی ( او امر عشره سی ) ، قومونیزم تعلیم لړك ایمان شریط لری ، هر یرده قیزیل لوحه لراوزرینه بویوك حرف لره یازیله رق اعلان اولوندی . تربیه زهر لندی و آچالدی . انسان لړك طبیعت لری ینه وحشت حال رینه دوندی .

یعنی انسان لړك اکثریتته یوقلقدن ، حقارتدن ، سفالتدن ، قانندن ، یاشدن ، مشقتدن ، طارلقدن ، قایغودن باشقه هیچ برشی ، هیچ بر سعادت ویرمه مش اولان مدنیت نظام لری ، دیانت شک لری اکثریت الیه ، انتقام قوتیله تخریب اولوندی . اسکی کناهلرک عدالتی جزالری حصول بولدی .

روسیه ده اکثریتک الله ، ملکندنه ، کولکندنه مدنیتدن ، دیانتدن هیچ بر حظ یوق ایدی . یالکز بد بختك ، یالکز اسیرك واردی . الله صاقلانه حق ، کولکده سویله جك ، املده رغبت ایدیله جك برشی یوقدی . لکن هر خصوصده نفرت ایدیله جك احوال غایت چوق ایدی .

بو احوال قارشیسنده بوتون روحیله ، بوتون دماغیله کنديسی بدینلکه قایدیران قارل مارقس کې دولت وانتظام دشمنلرینك ، بویوك آرنایشیستلرک نظر لری ، روح لری تلقینات طریقله غایت قولای بر صورتده خلقك اکثریتته سرایت ایتدیریلدی . بوسایه ده روسیه ك هر یرنده دهشتلی اختلال ، قوتلی ره وولوسسیون قولایلقله باشلادی . سرعتله انتشار ایتدی . مدنیت نظام لری ، دیانت تربیه وتعلیم لری ، شریعت اصول لری خلافه بکی دین ، قومونیزم دینی روسیه ده سلاح قوتیله غلبه ایتدی .

اسکی مدنیت ، پیرامش مدنیت اولدی . کندي مزارینه کنديسیله برابر بوتون اثر لری ده کومولدی . اوت ، اما قارل مارقسك زعمی کې کورولان پروله تاریا - مدنیت مزارینې ، بورژوازی قبرینې قازیان پروله تاریا - قایتسالك ( سرمایه ) الیه حاضر لامادی . بلکه مدنیتک ظلمی ، مدنیتک سفاقتی ، اسرافاتی ، مدنیتک هیچ برشیدن طویماز او بورطامانگی ، او بور معده سی کندي قبرینې پروله تاریا الیه ، ظلم کوره کیله قازیدردی . اولکې بورژوازی دیکتاتورانی یرینه پروله تاریا دیکتاتور لږنی یرلشیدردی .

البته ظلم ، ظلمدن باشقه هیچ بر نتیجه طوغورمازه استبداد کیت جهتیله ده ، کیفیت جهتیله ده آرتدی . اولکې استبداد بر اقلیت الله ایدیسه انقلابدن صوکره شوکونکی استبداده ایکنجی اقلیت الیه کجدی . شو فرقله که شیمدی اکثریتک حقوقدن محرومیتی قانون حکمیه اولدی .



قبله اسلامك صاحبي، روضه سعادتك خادمي، اوج مقدس حرمك مالكي، عرفات، منا جامعلرينك رئيسي، قرآن كريم امامي توركي دولت عليه سي اسلام ملتيرينك قلبيرينه كندی نفوذيني، اسلام ملتيرينك احتراملريني تأمين ايدمدي. شو حال، شبه يوق، حكومتك، مشيختك غايت بويوك بر غفلتي، عفو اولونماز بر كناهي ایدی. بوتون اهل اسلامك قلبيرينه نفوذ ايدمك قدر بويوك ومقدس قوتلره مالك اولدینی حالده اهل اسلامك قلبيريني خلافت مركزينه ربط ايتمك سياستلرندن حكومتك، مشيختك غفلتلى بنم نظرمدمك بويوك بر قصوردر.

اووقلر توركيه دن باشقه اسلام مملكتلرندم قلم تكليف جاري اولمادي ايچون شوملاحظه مي توركيه حكومته، توركيه مشيخت اسلاميه سنه توجيه ايتدم. جهان محاربه سنده عربلك عصيانلرينه، فتنلرينه، بعض جاهل وغافل هندستان مسلمانلرينك توركيه قارشى محاربه لرينه حكومتك، مشيختك غفلتي سبب اولماسه يدي بويوك شويله بر ملاحظه البته بزم خاطر يمزه خطور ايتمزدی.

حرب عمومى ايتدلرندم خلافت اسلاميه لسايله، مشيخت اسلاميه خطايله فقير طام اولق اوزره بوتون اسلاميت دنيا سنه جهاد عمومى اعلان قیلندی. بوكا رغما اسلام وتورك دشمنلرينك سواديني، صفلريني اسلام عسكري، تورك عسكري تكثير ايتدی. صوك درجه منفور اولان شو حالك البته اسكي برسبي واردر. بن اعتراف ايدرم، كمال جسامتله ادعا ايدرم كه اهل اسلامك فردلرندم ايمان، توركيه دولته بويوك بر محبت و ارايسه ده عالم اسلامك هيئت كله سنده ايمان يوقدر، مسلمانلق يوقدر. بوسيله و خلافت، اسلاميت سياستلرندن، اسلام دنيا سنك ديني، تربوي، اجتماعي احوالندن حكومتك، مشيختك تماميله غفلتلى يوزندن حرب عموميه اسلام عزتي، اهل اسلامك حرمق، اهميق، اسلام دولتلى ينه مسلمانلرك كندی الليله تخريب اولوندى.

انسانيت دنيا سي ايچون، بويوكونكي مدنيتك بويوكونكي حياتي ايچون هلاك اولق مقدر ايمش كه سياست حركتلرينك، اقتصاد بمرانلرينك ضروري بر نتيجه سي اولق اوزره بويوك دولتلرك، بوتون ملتلك عمومى محاربه لري ۱۹۱۴ ده اعلان قیلندی.

اوت، محاربه، بر مقصد، بر غايه دكلدر؛ لكن نجات كي، عزت واستقلال كي، حقيقت و حقوق كي الك بويوك، الك مقدس مقصدلرك، غايه لرك يالكيز بر وسيله سيدر. انسانلرك طبيعتلرينه، قوتلرينه نسبتله بوكا باشقه بروسيله يوقدر. بالضروره محاربه واقع اولدقدن صوكره آرتيق البته التزام قيلير، فرض اولور، بلهكه عبادت اولور. (لا تبتوا لقاء العدو. وسلوا الله العافية. ولكن اذا القيم فابتوا واصبروا. واعلموا ان الجنة تحت ظلال السيوف.)

بوكا بناء محاربه اعلاني زمانلرندم «ملاحظه» اسملى كتابنده ديمشدم كه: «مدنيت دنيا سي دهشت «منا» لرنده عزت محاربلرينه بويوكون غايت چوق قوربانلر تقديم ايديبوز. عدالت الهيه كبه لرنده اوبويوك قربانلر البته قبول اولونه جقدر. اوبويوك عبادته اشتراك ايتمك ويابيشوا اولق شرفندن اسلاميت دنيا سي بويوكون محرومدر... مدني ملتلك استقلال شرفلرينه، رياست سررلرينه، عزت جنتلرينه وصول آرزوسيله ميلونلرجه جانلر، ميليارلرجه ماللر فدا ايدمك؛ صبر صراطلري اوزرنده جهنم چوق قورلرينه ده كيدمك؛ ذلندن، بنده لكندن قورتولق مقصدي، اوغورنده بوتون مشاق ومزاحمه قاتلانيلورلر.

اسلام دنيا سنه كلنجه مسلمانلرده بويوكون محاربه لره اشتراك ايتديلر. فقط مع التأسف باشقه لرينك مقصدلرينه خادم اولق صفتيله، كنديارلرينك عزتلريني، دينلريني، يوردلريني هدم خصوصنده قوتلى بر آلت اولق ذلتيله اشتراك ايتديلر. اسلام سنجاقلري، تورك قيليجلري يالكيز توركيه دولت عليه سي الندم قالدي. ضرورت اقتضاسيله، بلهكه قرآن فرمانيله تورك حكومتق ده حرب عمومى به اشتراك ايتدی. بيطرف قالمق ممكن اولسه يدي بلهكه قاليردي. لكن ممكن دكل ایدی. اشتراك البته ضروري ومجبوري ایدی.

اسلام دولتلرينك الك بويوك دشمنلري - روسيه، فرانسه، انگلتره، ايتاليه - بر طرفده ایدی. آلمانيا يالكيز قالمش اولسه يدي آز زمانده مغلوب اولور؛ توركيه، ايران وساير اسلام مملكتلري اسلام وتورك دشمنلرينك الندم تماميله تقسيم ايديلير؛ عمله نك قايتال پنجه سندن، پروله تاريانك بورژوازي آلدن قورتولملري ده هيچ بر صورتله ممكن اولمازدی.

توركياني تماميله محو ايتمك امللريني كندينه مقدس بر مقصد اتحاد ايتمش اولان روسيه دولته، بوتون اسلام مملكتلريني كنديسنه اسير ايتمش اولان انگلتره به [بالطبع توركيه هيچ بر صورتله محاربه رفيقي اولماز ایدی. بوكا بناء توركيه دولت عليه سي ضرورت اقتضاسي ومصلحت ملاحظه سيله آلمانيا طرفداري اوله رق حربيه اشتراك ايتدی.

[موسى جارالله افندی، توركيا نك حربيه صورت اشتراكندن، حرب عموميه كي عظيم فداكارلقلرندن، بوغازلري قابامقده روسيه نك مغلوبيته سبب اولديغندن، آلمانلرك توركلره برلكده مصر وهندستانه عسكر سوق ايدرك انگليز مسئله سي حل ايتمه مك خصوصنده كي سياستلر لكندن، روسيه نك مغلوبيتندن، روسيه ده پاتلايان اختلالدن، آلمانيا و آوستريانك مغلوبيتندن، توركيا نك موندوروس متاركه سندن، توركيا ني تماميله اسارت آلتنه آلمقدن برشي اولميان وانگليزلرك توركيه حقنده بسله دغلى امللري تماميله ميدانه چيقاران سه ور معاهده سندن بحث ايتدكدن صوكره حرب عمومينك نتيجه نقل كلام ايله دييوركه:]



دہشتلرندن دولتلك هيچ برى - بويوكلى ده ، اوناقلرى ده ، محاربلى ده بيطرقلرى ده ؛ مغلوبلى ده ، غالبلى ده - قورتولمادى ، قورتولماز . بويوكلى اقتصادى ومعنوى افلاسلك اغبرلقلى آلتند دولتلك هر برى ، حق غالبلى ده خراب اولور ، ايچندن چيجه ماز . (مانذر من شئ اتب عليه الا جعلته كالريم .)

محاربه كونلرند ، محاربه نتيجه لرنده ، انقلاب حركتلرند مدنى دنياستك تمام عجزىن آچيق كوردك . مدنى دنياستك هر جهته افلاسى نظاهر ايتدى . اجتماعى فكر جهته ده ، اجتماعى نظام جهته ده ، انسانلرك صلاحلرىن كوستره بيله جك عقل جهته ده ، انسانلرك حقوقلرىن ، حرمتلرىن قبول ايدم بيله جك قلب جهته ده . مدنى دنياستك تماميله مفلس ايمش ! حكمتلى ، عدالتلى ، ماهر ، حاذق مهندس معرفتيله تأسيس قيلمش اجتماعى برنظام ، مدنى دنياستك بوقايدى ؛ شيمدى ده يوقدر . مدنى دنياستك ، بله بوتون ير يوزنده عموميت كسب ايمش بويوكلى سياسى ، اخلاقى ، اجتماعى ، بحران فاجعه لرى ده افلاس جهتلرىن آچيقدن آچيجه كوستردى .

اسكى حاللك هر برينه بدبىنلك كوزيله باقان ، مدنى نظاملرينك هر برينى مهارت وشدتله انتقاد ايدن ، مهارتلى انتقادلرند تماميله اصابت كوسترن قارل قارقس قومونيزم اصوللرينه ، قومونيزم استقباله جوجوق كوزيله باقدى . بورژواولرك هر برينى جهنم چوقورلرينه كوندر كدن صوكره پروله تاريالرك هر برينه جنتلر تبشير ايدن قارل قارقس نظرنده مدنى فسادلرينك ، مدنى خسته لقلرينك باشليجه سى حق تملكه عائد نظامات ايمش ؛ لك مفيد دوا ، لك مؤثر علاج ده اختلال قوتيله : ۱) پروله تاريادىكتاتورانى ، ۲) اكثريتك حقوق اجتماعيه دن محروميتى ۳) حقوق ملكيه دن تماميله محروم قابوب عمومى انبار قابولرى باشنده بوتون انسانلرك هر رده وهر زمان ديلنجيلىك ايمش ! مدنىك بوتون اثرلرى اختلال قوتيله تماميله تخريب قيلمادجه ؛ انسانلرك هپسى فضيلتدن محروميتده تماميله برابر اولمادجه ؛ قانون ، حقوق ، حرمت يرينه ديكتاتوره قائم اوله رق بوتون ملتلك ، بوتون فردلر هر جهته تماميله تحقير اولونمادجه هيئت اجتماعيه هيچ برصورتله اصلاح ايديلز ايمش .

بوتون الهاملرند تاريخك دهشتلى حادثه لرندن ، مدنىك بويوك مفسدتلرندن استفاده ايدن قارل قارقس كى عقل عفرتى بر داهى البته يالكز بويه تدبيرلرى يازاز . تورات بلاغتيله ، تلود مهارتيله يازيلان (قايتال) لرنى ده اوقودق . قارل قارقس معرفتيله يازيلوب وقيله قومونيزم فرقه سى طرفدن نشر ايديلان غايت اهميتلى بياننامه لرى ده اوقودق . انسانلرك احوال تاريخه لرينه ، احوال روحيه لرينه تماميله واقف اولوب اسكى ماضيلرىن ، بويوكلى اجتماعى حاللرىن مهارتله

حرب عمومى نتيجه سنده اسلام دشمنى اولان بويوك روسيه دولتى ، چارلق استبدادى ، الى الابد قالماق اوزره سقوط ايتدى ، تارمار اولدى . آلمانيا استبدادى ده شمدى تماميله سقوط ايتدى ديه لم . بوملاحظه ينى قبول ايدم ، بله طوغرودر .

واقعا باشقه لرك ضررلرند منفعت آرامق سياسى اسلام عزتيله ، اسلام علويتيله مناسب دكلدر ، باخصوص بنم عقيدمه كوره هيچ بروقت جائز اولماز . فقط حرب عمومىدن توركيادولت عليه سى استفاده ايتدى . يعنى توركيه دولت اسلاميه سى قوتلى ايكي دشمندن قورتولدى ، ديه لم . لكى انكليزلرك جهانكيلى صاغ سالم بوتون قوتيله يالكز قالدى . آلمانيا كى قوتلى ، روسيه كى معظم ايكي رقيبندن تماميله قورتولدى . انكليزلرك قبل الحرب توركيه ويران مملكترلرینه قارشى بسله دكلرى احتراض املارى ، استيلا مخاطره لرى بويوكن زياده لشدى .

قوتلى مدنى دولتلك رقابتلرندن استفاده ايدوب يان يانلىق كى عاجزلره مخصوص اولان سياستلك نه قدر خطالى اولدينى بويوكن غايت واضح اوله رق تحقق ايتدى .

اوت ، توراتك ، عهد عتيقك لك صادق بر بنده سى ، تلودك لك متبحر برشا كردى اولان يهودى قارل قارقس كى بويوك برمدبرك شيطانى برتدبيريله حاضر لانان بويوك قوتلى عسكر - پروله تارياعسكرى - بويوك محاربه سايه سنده كنديلرينك اولنلرندن چيقدى ، له نين كى جسور رهبرلك بويوك تدبيريله سلاحلانه رق خلقك آلتند ، كوكانده اولان قيمتلى ، مقدس قوتلك هپسى تلقينات قوتيله تماماً ييقدى . متكبر ، مغرور امپريالست دولتلرى خراب ايتك عزتيله ير يوزنده يكي ودهشتلى برقوت ميدانه چيقدى .

لكن قومونيزم عسكرى - بولشه ويكلر عسكرى - هيچ بروقت تورك و اسلام دوستى ، مسلمان مملكتلرينك خيرخواهى اولماز اوله ماز . دينلك هر برينه ، مدنى قانونلرينك هپسه آچيقدن آچيجه دشمن اولان قومونيزم عسكرى اسلاميت قانونلرينه ، اسلامك شريعت اجتماعيه سنه ، توركلرك اتحادينه ، اسلام ملتلرينك اتحادينه ، خلافت اسلاميه هيچ بروقت دوست اولماز ، طرفدار اولماز .

اسكى نظامدن ، اسكى سياستدن ، دينك اسكى شكللرندن خلقك نفرتلريره بنساء پروله تاريه قوتى مدنى حكومتلك ، مدنى دولتلك هر برينك خلافت غايت دهشتلى برقوت اولدى . آچلق ، چيلاقلق ، طارلق ، يوقلق كى تماميله تحمل خارجى غايت اغبر احوالك قوتيله روسيه ده پروله تاريه فتنه لرى ، هر رده بوتون خلقك بويوك غيلانلرى باشلادى . انسانيت دنياستك بويوك يكي دهشتلك بوتون اسبابى تماميله حاضر لاندى .

حربك مهلك نتيجه لرندن ، احوالك اغبرلقلرندن ، كله جك كونلرك







اسلام مملکتی کندی برکتی محصولاتیہ اهل اسلامی تربیه ایدر. داخلی فتنه لردن آزاده قالیر. بوسایده نجاتلری، استقبالی تآمین قیلیر. اسلام کندی مقدس قرآنیله، کندی عالی شریعت اجتماعیہ سبیلہ هرشیدن مستغنی اولور. البته باشقه لرینک تورانلرینه، «قائیتال» لرینہ، فرقہ لڑک پروغراملرینه محتاج اولماز. ساری هر برمرضک بردافعه سی، بر تلقیحی واردور. طاعون کی سرایت ایدہ بیله چک اختلال فتنه لرینی اسلام ایمانی، اسلام امانتی، اسلام تعلیملری دفع ایدہ بیایر. اسلام مملکتلرنده اقتصادی انقلابلر چیقماز، انقلاب عامللرینه اسلام مملکتلرینک احتیاجی ده یوقدر.

[موسی جارا الله اقدی بوندن صوکره اسلام مملکتلرنده باشلايه حق اولان انتباه وصلاحک اساسلری حقنده شانلی تورک عسکرینک شرفه قلمه آلمش اولدینی «اسلامیت الفیاسی» ندن بحث ایتدکدن، یاقین سنلرده اولککندن ده مدعش محاربه لڑک وقوعی احتمال و ضرورتندن، اوزمان ایچون مسلمانلرک بوکوندن حاضر لاسندن بحث ایدرک مقدمه سنه نهایت ویریور.]

## حقوق عائله قانونی

### مقدمه بعضه غزیه لڑک نعلشی

عدلیه انجمنندن مجلسه کلن حقوق عائله قرارنامه سنک شرعیه انجمنده حواله ایدیلسی بوراده بعض غزیه لڑجه فوق العاده تلاش واندیشه یی موجب اولدی. مجلسک بو غایت معقول ومصیب حرکتی «اک وخیم برار تجماع» دییه کوسریلیدی. بو خصوصده اک ایلری کیدن وطن غزیه سی صاحبی احمد امین بک ایله آقشام محرر لرندن بولی مبعونی قالح رفقی بک اولدی.

احمد امین بک «حقوق عائله قانوننک مذاکره سی مناسبیله: دین و سیاست» عنوانی بر باش مقاله یازدی. بر معتاد، اسلامیت حقنده صافدلاری اقناع ایدہ بیله چک اوزون اوزادی یه بر طاقیم خیرخواهانه مطالعات و تمینادن صوکر. اصل سوبله مک ایسته دیکفی شو جله لرله افاده ایتدی:

«بو مملکتده قره تمصب مهم بر قوت دکدر. بوقوتک مهم کورونمسنه یکانه سبب، منور لڑک معین هدف لرله متحد بر صورتده چالیشاجق یرده زمره وشخصی احتراملریله بر برینک بوغازینه صاریلریدر. هریری، بر برینه قارشى نه نوعدن اولوزسه اولسون قوت طولامغه اهمیت وپردیکی ایچون قره تمصبه پایل ویریلیور. و صرف منفعت نامنه مداهنه لر ایدیلور... منورل باشقه نه ساحه ده اختلاف حالده بولنورسه بولولسونلر، تمصبه قارشى متحد برجهبه تشکیل ایتلیدرلر. حقوق عائله قانوننک شرعیه انجمنده حواله ایدیلسی وخیم برار تجماعدر. [۱]»

[۱] ۲۰ کانون اول ۳۳۹ - وطن

محاربه نك بوکونکی نتیجه لرینی کوردک. مدنی غربک عجزی ده، شاشقینلغی ده غایت آچیق مشاعده ایتدک. ایمپریالیستلرکده، پروله تاریا رهبرلرینکده مقصدلری کوزلجه آکلادق. مدنی غربک افکار اجتماعیہ سی محرابلرنده سجده ایتک، اجتماعی نظاملری تقلید ایتک ذللرندن بزمسلمانلر، بزرشقلیلر قورتولدق. لکن محاربه کونلرنده اسلامیت دنیاسنده غایت بویوک تفرقه بلیه لری دوام ایتدی. فرصت دقیقه لری الدن قاچدی. اسلام دنیاسی اقتصادجه تیلده اولکی حالده، اولکی اسیرلککندہ قالدی. مخاطره زیاده لشدی. اسلام دنیاسی ایکی آتش آتش آره سنده قالدی.

غرب دولتلری ده بویوک بر بیمارخانه شکلنه قویان ورسای، سهور معاهده لرینک شرطلری، اساسلری، عمومی انقلابک صورتلری بولاری اسلام دنیاسنک بویوک امللرینه تمامیه مناقض حاللری، مقدس عقیده لرینہ تمامیه مخالف مسئله لری حیث اجتماعیہ صفلرینه چیقاردی. برکتی، واسع اسلام مملکتلری بویوک دولتلرک قوتلی حرصلرینه هدف ایدی. انقلابدن صوکره بوکونکی مبارزه لرده ینه اولکی کی ایکی بویوک وقوی دشمنک جدالرینه زمین، استیلالرینه هدف اولوب قالدی. اسلام مملکتلرینک مدنی دولتلرله نسبتله وضعیتری همان اولکی کی قالدی.

بوکون باشقه لرینک حرص و استیلالرینه هدف اولق ذللندن چیقوب حق صاحبی اولق، مستقل بر طرف اولق زمانلریدر. بزه قناعت ویردچک مقصد یالکیز بودر. ایکی طرفک هیچ بری بزم شومقصدیمزی بزه تآمین ایتمز. یالکیز اسلام قوتی، یالکیز تورک ایمانی تآمین ایدر. تورک قوتیله مشرق اسلامده نجات شفق لری سوکدی. استقلال کونلری یاقینلاشدی. بوکونکی انقلابک طوفانلری، دالغملری آراسنده تمامیه تخریب قیلنمش مدنیت خرابه لری ایچنده، ورسای وسه ور معاهده لرینک مهلاک سحریله زهرلنوب مجنون کی اولان مدنی دولتلرک حرکتلری، شاشقینلقلری قارشوسنده کندی غائب ایتمین تورک ملت نخبیه اسلامیہ سنک ثباتنده، تدبیرلرنده نجاتمز علامتلری کوردک، نجاتمز بشارتلری ایشیتدک.

چارلق، انکلترا، فرانسه، آمریکا سیاستلری بوتون اسراریلہ بزه معلوم ایدی. انقلاب حرکتلرینک، انقلاب بوللرینک شکللری ده استقبالی بزه بک آچیق بیلدیردی. فرقہ پروغراملرینک فعلیاتی ده اسلام تعلیملرینه محبتیمزی تآکید ایتدی. اسلام دنیاسی بوندن صوکره یالکیز اسلام دنیاسنه اعتناء ایدر. تورکیه اسلام مملکتلرینک هر برینه نمونه، رهبر و امام اولور. اسلام دنیاسنک اقتصادی و سیاسی اسارتدن نجاتی ده یالکیز کندی نکلند. کندی نکل قوتیله اوله بیلیر. الا ان نصرالله قریب.